


კვირა, 19 თებერვალი, 1916 წ.



† ალ. ყიფშიძე (ფრონელი) 1916 წ. 15 თებერვალი.

ვინ დასდევს ერთს?!

(ბუნებისმეტყველებიდან)

ცის მკერდზედ ციმციმით, ვით უცხო აღმაზი
 ბრწყინავდა ვარსკვლავი, ბრწყინავდა ღამაზი...
 იშვებდა, ილხენდა, უფრთხოდა ჯავრს,
 გზა ბილიკს უკვლევდა მაშვრალსა მგზავრს...
 იშვებდა... და ერთხელ, თბილ ნარნარ ღამესა
 შეიმთხვა რალაცა მშვიდ-მოკამკამესა:
 შეჰკრთა და შეინძრა... აფეთქდა ის...
 მოსწყდა ცას... დაეშვა... და გაჰქრა მყის!..
 არავის ეოცა, არავის ენიშნა,
 ცამ მისი გაქრობა სულაც ვერ შენიშნა:
 ურიცხვი ვარსკვლავი აკრავს მის მკერდს,
 გინდ იყოს, გინდ არა, ვინ დასდევს ერთს?!.


შვენების აღერსით მიწიდან ხმობილი
 ჰყვალდა ზამბახი ნაზ-კეთილშობილი...
 ეტრფოდა მორცხვად მნათობსა მწველს,
 მზეც ხარბად ჰკოცნიდა მის კისერ-ყელს...
 შვენოდა სურნელი... და ერთხელ, დილითა,
 ოთხფეხა რალაცა შეეხო კბილითა,
 ბალახსა თავისით როს სძოვდა ის...
 კენესაც არ აცალა!.. გააქრო მყის!..
 არავინ მიეცა დარდსა და ნაღველსა:
 სხვა ზამბახს უგზავნის მზე კოცნას დამწველსა,
 მრავალი ზამბახი მიწის შავ მკერდს
 ამშვენებს... ვინ დასდევს დაღუპულს ერთს?!.

შეიქმნა... და შეჰქმნა ამანაც შონიბა!..
 ჰქონდა მას დიადი სული და გონება:
 სწვდებოდა ცის სიღრმეს, დაბლა—ზღვის ფსკერს,
 მსოფლიო ებარა—პაწია მწერს!..
 მეფობდა... ჰმონობდა... ჰფრინავდა... ცოცავდა...
 ვარდს ცრემლით ნამავდა, უმწოდ ხოცავდა,
 ეძებდა მიწიზედ ნათელ ცის კარს,
 და სიმებს აწვევებდა საცოდავს ქნარს!..
 თბებოდა... სტკებოდა წუთითა მწველითა!
 ერთ ღამეს მოვიდა ნაბიჯით ნელითა
 ის, ვინცა სხვის ნათესს ხარბადა მყის...
 შეჰბერა. აქცია ლეშადა მყის!..
 მერე რა?! ოჰო-ჰო! დიდი რამ მომხდარა!
 არა რა შესცვლილა, არა რა წამხდარა!
 ურიცხვი ორფეხა მიწის ხმელ მკერდს
 სტკებნის და... ვინ დასდევს ვრაცას ერთს?!.

კ. მაყაშვილი.



ლადო ღარჩიაშვილის უკანასკნელი სურათი.
(ავადმყოფობით გარდაიცვალა გერმანეთში)



ირაკლი ალ. ჯამბლარი
(ახალგაზრდა ნიჭიერი პიანისტ-კომპოზიტორი)



სიკო ბრაგვაძე
გმირულად მოკლულ იქმნა ოსმალეთის ფრონტზე.

ღრი ჟირილი

(დასასრული. იხ. „საქ.“ დამ. № 24)

მისი სუნთქვის სითბო ჩემს ტუჩებთან ვიგრძენ და ამ სიტყვებთან ერთად მარჯვენა ხელი წელს მომაშორა, ბეჭედ მომკიდა და ისეთი ვნებით მიმიზიდა, მიმიკლო მკერდზე, რომ უნებურად, გულის სიღრმეში, ვნების ცეცხლით ანთებული, ტკბილ გრძნობასთან შეზავებული ოხვრა ამომხდა.

ცეკვას ვათავებდით. ის ეყო გამოეჩანა ჩემი სავარძლისაკენ, მაგრამ ხელის გაქნევით უარი ვანიშნე და ხელგაყრილი მეორე ოთახში გავედი. ღია ფანჯარასთან დავდექით.

აკი სწერენ რომანებში: „გრილი ნიავი მოხდა, გახურებული შუბლი გაუგრია და ბურუსიდან გამოერკვაო“... შეიძლება იმ წუთში მეც ეგ მინდოდა, მაგრამ, წარმოიდგინე, ასე არ მოხდა. რამდენჯერმე შევისუნთქე სუფთა ჰაერი, უნებურად მისი მკლავი მივიკარ მკერდზე და იცი, რა ვიგრძენ?

მრცხვენიან, მაგრამ მაინც გეტყვი: ვიგრძენ ის, რაც ერთ მამაკაცისადმი არ მიგრძენია. მე ვიგრძენ, რომ ვიპოვე დანაკარგი... არა ჩემი ქმრების მსგავსი რამ, არამედ ალლომ ჩამჭურჩულა: „ეს კაცი შეგივსებს იმ ნაკლს, რომელსაც დღიდან ჩემის დასაკების ქალურის გრძნობით დავსტირი...“

ამ ფიქრებში, მის მხარს თავით

მიყრდნობილი დიდხანს ვიდექ და განაბული ვუსმენდი მისი გულის ძლიერს ძკერას.

— რაზედა ფიქრობ? დააოღვია სიჩუმე.

— არაფერზე... ისე... თითქოს გულის სიღრმეში ჩამხედა და იქ ამოიკითხა ჩემი ზრახვანო,—ავირიე.

— ახირებული შეხვედრა! სიტყვამან, ნაზად ხელი გაინთავისუფლა, თავისკენ შემებრუნა და თვალეში ჩამხედა. მის თვალეში ცხადად ამოვიკითხე: „შენა ხარ ჩემი ხორციელი მონა... შენს დაავადებულს სულს არ შევეხები, ვიდრე ჩემის ალერსით მას არ მოვიგრძენ“...

...მეც დავემონე... და გინდ გამეცხე—იმ ღამეს სახლში გამომაცილა...

გავიდა ექვსი თვე ჯადოსნურის ცხოვრებისა.

დაღლილი სული ისვენებდა. გახვეულ ვიყავ ტკბილ სიზმარში და არცა მსურდა გამოღვიძება, მაგრამ ერთ დღეს ეს ტკბილი სიზმარი უტკბეს სინამდვილეთ ამიცხადდა... ვიგრძენ განხორციელება იმ ალლოსი, რომლის ხმა ფანჯარასთან მდგომს მომესმა.

მე დედა გავხდი!... მერწმუნე დაო, მხოლოდ ეხლა ვიგრძენ, რა არის ქალის ბედნიერება!

არც მამაკაცისადმი სიყვარული, არც სიმდიდრე, არც სახელოვანება მონაგონიც არ არის იმ ბედნიერებასთან, რომელსაც განიცდის დედა, როცა იგი საფენს გადახდის და აკვანში

დაინახავს მძინარეს, გაბადრულს თავის ნაშობს!..

შვილი!

ღმერთო ჩემო, რამდენი სიღრმე და სილამაზეა, რა ძლიერი ტრადიდია ამ ერთ სიტყვაში!

ყოველი „სიტყვა“, რაც გინდ ღამაზე და ძლიერი იყოს იგი, თუ არ გაჰყვინტე და ისე გადაყლაპე, მისგან არაფერი გრჩება, გარდა გარეგანი ფორმისა.

აბა გაჰყვინტე სიტყვა „შვილი“ და დარწმუნებული ვარ შენც იგრძნობ მის სიღრმე-სიგანეს.

რომ იცოდე, როგორ მებრალები, რომ შვილი არა გყავს, მაგრამ შენც ხომ ქალი ხარ, მაშასადამე მთელის შენის არსებით იგრძნობ მის მნიშვნელობას.

ბევრი პოეტი ეცადა აეწერა დედის გრძნობა. წინედ რომ ვკითხულობდი, აღტაცებული ვიყავ; ეხლა კი ყველა

ის ხობა-ქება და ნაზი სიმების უღერა ჩემს გრძნობასთან შედარებით მეჩვენება ტლანქათ, უფერულად...

ძნელია სიტყვით გამოთქმა, ანუ აღწერა იმ გრძნობისა, რომელსაც განიცდის დედა, როდესაც იგი თავის შვილს ნანას უმღერს,—ასევე ძნელია გადმოცემა იმ ბედნიერებისა, რომელსაც გრძნობს დედა პირველი შვილის დახახვაზე.

მზე რომ დაბნელდეს,—ჩემი ოთარი გამინათებს.

გიკვირს განა, რომ მე ჩემს შვილს ოთარი დავარქვი და არა რომელიმე უცხო სახელი?!
არა, დაო, ნუ გაგიკვირდება!..

ამ ბედნიერებამ სულ სხვა ადამიანად მაქცია.

თუ წინად ჩემი სიყვარული სამშობლოს ზღუდეს გასცილდა და მთელს მსოფლიოს გარს შემოევლო, ეხლა ამ ზღუდეს აღარ შორდება, რადგან ამ

საზღვრებში ჰოვია სიყვარულის საგანი...

მიყვარს ჩემი ქვეყანა, იმიტომ რომ მიყვარს ჩემი ოთარი; მიყვარს ჩემი სამშობლოს ბუმბერაზი მთები, რადგან მათში ვჭვრეტ ჩემი შვილის ძლიერებას... მდინარის ღრუბლებში, ქარის შხუილში, ფრინველთა ტიკტიკში მესმის ჩემი ოთარის ღრუბლები... მცენარეს ბუჩქს, ყოველ ატომს ჩემის სამშობლოსას ვეტრფი და შევხარბი, რადგან ყველა მათში ჩემი შვილის ნაწილს ვხედავ...

მიყვარს ყველა... ჩემი მეორე ქმარიც-კი, იმიტომ, რომ მასაც უყვარს ოთარი.

გაიგო თუ არა ჩემი ფეხმძიმობა, წარმოიდგინე, სმას თავი დაანება და საქმეს დაუბრუნდა; სრულიად გამოიცვალა! ვატყუებ — შენიაშეთქი... იმედი მაქვს ეს ტყუილი არ ჩამეთვლება დიდ ცოდვად... ამით საზოგადოებას ვუბრუნებ თვალსაჩინო წევრს და ოთარის მომავალიც უზრუნველყოფილია.

უფრო მეტად-კი ოთარის მამა მიყვარს, რადგან მან მაგრძობინა რა არის დედა.

ვიცი, ირონიულად ჩაიცინებ და ასე იტყვი: „გაივლის დრო, შვილიც დაგავიწყდება და კიდევ ვინმე გაგიტაცებსო“.

არა, დაო, ეს არ მოხდება! მე ვეძიებდი ბედნიერებას; ხომ ყველა ადამიანს აქვს უფლება ეძიოს ბედნიერება? მეც ვეძიებდი და ვპოვე იგი! რა გზით, რა საშუალებით ვე სულერთია!

ეხლა თუნდა მთელი მამათა სქესი ვადაშენდეს, კაცობრიობის იდეალი გაქარწყლდეს, — არას დავეძებ, არას ვჩივი! მე მყავს ჩემი იდეალი, ჩემი მიზანი!!

თუ წინეთ სხვა იყო ჩემი ზევესი, — ეხლა თვით მე ვარ ვესტა და მთელ ქვეყანას თვალთუწვდენელ სიმაღლიდან დავცქერია!..

ეხლა შემოძლია ყელი ამაყად მოვილერო და თამამად ვსთქვა:

„ცხოვრებაში მიზანი მაქვს და ბედნიერიც ვარ“!!.

შენ თუ გინდა გამეციხე!

შენი ნალა.

გალ. შალიკაშვილი.

ცემი.

გამოცანა

მიხტი-მოხტის კაცი ვარ შეტი სხვა არაფერი, არეული ვა(ცი ვარ, *) არც რქები მაქვს, არც წვერი. დღეს ერთს ვიტყვი — ხვალე სხვას! ჩემთვის არაფერია, რწმენაა თუ ნამუსი რა ვიცი რა ფერია?! სადაც დავიკაენებ იქა მგონია ბინა... ოხერმა ხასიათმა ბევრი რამ მაგმობინა: მოყვარე რომ დავწიხლე, ძმად გავიხადე მტერი... მიხტი-მოხტის კაცი ვარ, შეტი სხვა არაფერი! —

გამოცანა.

*) გარეული თხა.



დეკ. ტარასი ივანიცი

ტომით ინგილო. გერმანეთის ფრონტზე კონტუზია მიიღო. დაჯილდოვებულ იქნა ვლადიმირის ორდენის ხმლით და ოქროს ჯვარით გიორგის ლენტოი. ამის გარდა დაჯილდოვებულ იქნა ენქეოთ.



ქარუშა ივ. ნატროშვილი უკვალოდ დაკარგულია



ივლიანე მეთოდის ძე უღნტი. გმირულად მოჰკლეს გალიც. ფრონტზე.



პოლკოვნიკი ა. მ. ლანერბაი გმირულად დაიღუპა კავკას. ფრონტზე.



ალექსანდრე ზურაბის ძე გეორგობიანი.

გათავა დარმშტადტის უნივერსიტეტის საინჟინერო ნაწილი, ომის გამო ტყვედ დარჩენილია გერმანეთში.

საპლის ჰანგები

„ვილაც არ არის — ვილაც მაკლია“.

რა სიხარულია! გაგიგონია შენ, მეგობარო — მუსიკა ციური სალამურისა? დამტკბარხარ ღამის ღუმლით? წაგიკითხავს მხიბლავი სტრიქონები განუშეორებელი უკვდავებისა? გიგრძენია შენ როდისმე ძახილი ცისა — როცა ბრწყინავდნენ ობოლი ვარსკვლავები და შენს წამებისაგან დაქანცულ მკერდში დაბადებულა უსუსური კვნესა მღუმარე სიხარულისა? დამთვრალხარ მთვარის ციალით? რა სიღრმეა! — რა სიღრმეა — თქვენი ჰირიმეთ! — რა იღუმალი ნეტარებაა!

ზღაპარია თუ? ირგვლივ ტყე არის. ღამეა. ვარსკვლავები და მთვარე... მე მარტო ვარ აქ — როგორც ღმერთი ცაში... სიჩუმეა...

ცის ბნელ გუმბათში მთვარის ბურუსი ავარაყებს ვარსკვლავთ სიმორცხვეს. და სივრცეში დაღალულად მიმოდინა აზიზ ღრუბელთა — ამ განუზომელი სივრცის მუღმივ მოარულეთა, — ამ მღუმარე სევდის ჩუმ მგალობელთა — გამჰვირვალე ქარავნები. მიმოდინა და ისეთის ნაზი გრაციით ეალერსებიან ობოლ ვარსკვლავებს... ისეთის სევდით...

ვარსკვლავები თრთიან. თვალს მიშვრებიან. მეძახიან... ვერცხლის სხივები კდემამოსილად ებნევიან მძინარე დედა-მიწას. სიჩუმეა...

ნიავე ჩურჩულებს სიყვარულზე და ფოთოლთ ტრფობას იჭვის ურუნტე-ლი აშრილობებს... მაღალი ხეები ღანღებათ არიან აშვერილი ფერ მქრალ სივრცეში და ეთეროვან გამჰვირვალე ჰორიზონტს სალამს აძლევენ ნელი რხევით. სიჩუმეა!..

სადღაც შორს გალობენ რაღაც ჩიტები მოლოდინის „ძილისპირებს“ და მათი გალობის წყნარი ჰანგები იკარგებიან ტყის სიღრმეში — ვით მორჩი-

ლების სონეტი, სატრფოს ვნებიან მკერდზე დანამღერი.

აქ ახლოს მდინარეა — რომლის ზომანარევი და ნაპერწკალცივი ჩადუღუნი — ჰბასრავს ღამის სიჩუმეს — ვით ჯადოსნობის ლეიტ-მოტივი, ვით მუსიკა დაფარული ზეიმისა, მოპარული კოცნის საიდუმლო სიმფონია. სიჩუმეა...

როგორ თრთის ჩემი გული და რა წყნარ სიამეს განიცდის სული — ღმერთო ჩემო!

მე მარტო ვარ. ჩემთან საუბრობენ უხილავი ღმერთები. გაგვისწორდით — მეუბნებიან...

მე ვეტრფი — ვვალერსები ეხლა სულით თვითეულ ფოთოლს ამ ღამეში გაშლილ ტყისას... მე ვლოცავ ზეცას და შემოქმედს... მე ვუგზავნი გულითად სალამს და ძმურ ხელს ვუწვდი — აი ამ წუთში — ყველა ცოცხალ არსებას მთელი ქვეყნისას. მე მსურს ეხლა დავაჯილდოვო ყველა ადამიანი განუსაზღვრელი სიკეთით — რაც ეხლა ტალღა-ტალღათ დამირბის მთელს არსებაში...

— ჰეი, გადაეცი ჩემი სალამი და სიყვარული ჩემს ქვეყანას — ნიავე! გადაეცი სამშობლოს ხუჭუჭა მინდორ-ველებს და ჩემი ენით მოსაუბრე მოძმეებს ჩემი სიყვარული და აღტაცება — გეთაყვა! — ცელქო ნიავე.

ჩემი იმედის უკვდავ სევდას გეფიცები — დავაჯილდოვებ: მკერდს ვადაგიშლი და ჩაგხუტებ, მოგისმენ, ჩაგნთქავ — გეთაყვა — ნიავე... გადაეცი ჩემი სიყვარული ჩემ ქვეყანას. ასწავლე. მოხიბლე. დაარწმუნე. ზღაპრათ უამბე...

მოდით ცაში ავფრინდე? ღრუბლებს ჩავეკონო? ჩაველაპო მათი მწველი სინაზე?

არა! მე დავგორდები აი ამ ჩემს მშობელ მიწაზე და დავკოცნი ყველა ბალახებს — მადლობის მაგიერ. სახეს ჩავრგავ ბალახთა ბუჩქში — ვით უებრო ქალწულისწიმებში — და ვიტყვი ლოცვას — სამადლობელს. დავლოცავ ღმერთს ამ ღამის გაჩენისათვის, რომ მან მომცა მე სიცოცხლე. სიყვარულის და ტანჯვის ნიჭი, რომ მე ისე ძლიერად

და ნაზად ვგრძნობ და ვნთქავ ციურ ბედნიერებას მიწის სიხარულში არეულს. რომ ეხლა, როცა ყველას სძინავს—მარტო მე ვარ ამ ღამეში მღვიძარე და ვხედავ სულის თვალებით—თუ როგორ მთელი ჩემი ქვეყნის სივრცეზე ახალი სიყვარული იბადება—რომელიც ყველას მოაჯადოებს...

არა! მე ავალ აი ამ ყველაზე მაღალი ხის წვეროზე—აგერ ვრცელი სილუეტი რომ სდგას ბუმბერაზათ—და გადავსახებ ქვეყანას: ჩემო სამშობლო—იცოცხლე მარად. იყავი ბედნიერი და კურთხეული იმ სიყვარულისთვის—რომელიც შენ მუდამ გამშვენებდა. გტანჯავდა და გამშვენებდა. იცოცხლე მარად...

არა!—მე გადავვშები ამ მდინარეში, წავეყვები მას ცურვით და ყველა ნაპირებზე გადავსახებ, მთელ ქვეყანას შევატყობინებ: რომ ჩემს სამშობლოში—რომელიც მუდამ სათნო სიყვარულის მშვენებელი რაინდი იყო—ახალი სიყვარული დაიბადა... სიყვარული გიხსნით ყველას—სიყვარული—გესმით!

მე დავსწერ...

აჰ—ღმერთო ჩემო—რა ბედნიერი ვარ ამ ღამეში—გესმის?—ნიაჲო—ბედნიერი... მაგრამ...

ე—ებ—მარტო ვარ აქა, ამ სიჩუმეში და ჩემი სიხარულიც ობოლია ისე, როგორც სიყვარული და მტკივა გული რომ: აჰ—

„ვიღაც არ არის—ვიღაც მაკლია“.

თ. იანელი.



მასწავლებელთა ურლობა თბილისში.

თუშთა ტიპები



თუშის ქალები.



თუშები.